

[www.BibleForChildren.org](http://www.BibleForChildren.org)

# Matiyo 26




Giyagni  
patsrujirgogne  
magatiniwa Tsrus  
Giknoglushgogne,  
Wetani rapoka Geso, wa  
Lasaro gwiywaka, wa  
gipnapachri wa yotunkakanru  
gipnachinetskalaya.  
Giyagni Mariya wa  
pgamlugalo ganikaji ginnu  
twapa, nartogapje kwenuru potu.  
Tuyokjixitlu Geso. Tsheyjixitlu  
tojiwutsaya. Psolupjiko tyapa pogamlunuta.



Gota Giskaryote satu pamole gepi rixinri yayegitna  
tsrukakalune sasertotene samyokyaplu Geso wanna  
yegi. Wanna jeminitkalu,  
rumuwatna. Rupiratyaluna  
renekyapluna sroschiproji.  
Rujgaluna ruglepoktapinri  
gi rixpoko samyokletyapluna.



Ga wa yimaklene Geso  
chinyawakna kamrutna.  
Ralpokotluna Tsuru  
Giknoglushgogne chinanu.  
Nikanatinna wanna, Geso kashichlu  
jimapro. Ruglenshinikanyegitlu.  
Jiknaglu. Renekna yimaklene. Wane  
chinna, "Gyoptotanru. Gnikanru.  
Tyenwa nomane."



Kashichlo girapistono.  
Poyagnutyegitlo. Renekna.  
Wane chinna, "Giranu walaya  
pejnurunekgi. Gi rixanu tyenwa  
nograğa wa gerotu tokanchi  
gipiratkaluru chinanu, gixoluru  
yineru chinanu giyookaluru, wa  
mukochri kaspukikolupa."



"Simo, Simo, petanu. Satanasyo gagjiyegitgi trikoji  
pixka gixirikajitkalunepgi. Ga wa Gita  
gagjigogneygityi wa palixle mmagatinitipa. Ga wa  
pixa penshinkanutinpatka, muchkotanshinkanutanna  
pumolene." Giyagni Petro wane chinru, "Gitsrukaachi,  
galpokotachrino yoshmakikwaka nyinripa Pixayma  
waka gipnalu yegi."




Geso wane chinru, "Petro, wane nchinyi, ma  
yanumatkanuwa gaxawripa xawakni,  
pnutatanno mapa kata pma  
mumatyanupno."




Giyagni sana ya Geso  
wannayma. Getsemani  
chinikowaka sana yana.  
Wane chinna yimaklene,  
"Gewi ntuplatanu,  
nagjigogneta pinikopshini."  
Wane china, "Gagwa, Nuru,  
ptowru gimkatachriyi Pixa.  
Pkoshripatinno twu  
girapistono, seyni gi wa  
Gita galukyawakapni, seyni  
Pixa galukyawakapni."



Giyagni Gota ganikna solalone, wa tsrukakalune  
sasertotene ga wa Gwariseyonetowrerune. Wane  
yana yochpiikaluroyma, kataluyma,  
giylalewapiyma. Satu wannaymalutu wa  
sasertotene gitsrukate potu  
wayegreru ruylaka. Potuklejepi  
yostakyalu. Ga wa rujretlu  
Geso. Wane china,  
"Wanpotunanuko  
getashatanu."  
Kamrukjepitlu.  
Rutuukaklu.



Kashichatkaluna. Ranikluna. Sasertotene  
gitsrukatpotupji ranikluna. Ga wa Petro gowukayako  
gomkagitlu. Ganikajputu pawatna.  
Wane ruxiplakakayana.  
Wanna yegi tuplata  
koxa Petro.



Satu sasertotene  
gitsrukate potu  
wayegreru, wa Petro  
gistakjepmoletanru,  
wane chinru, "¿Gi ge  
sana netyayi Waleyma?"  
Giyagni rumepe  
nutletatnaklu Petro.  
Waneklu yanumatatka  
gaxawripa. Giyagni maleka  
rushpaka Petro. Chiyampotuta.




Giyagni palnamtatkana pejnuruneko  
gixolune yine. Pilato yegi  
ranikatkaluna. Giyagni Pilato  
gepomgalu. Wane chinru, "¿Pixnige  
wa Goteyone Pogiryi?"  
Rugitlu Wale. Wane  
chinru, "Pixa  
chinyawaka."




Rumepe tomgaletatnakna Pilato.  
Raluka kaspukletmaklu Geso.  
Seyni wanna saplewatatnaka.  
Wane chinna, "iKoroshishkita  
putakaganru! iKoroshishkita  
putakaganru!"




Giyagni samyoklu koroshishkita  
rutakyapluna. Yoptotluna Geso.  
Ranikatkaluna.  
Rutjitakoroshiteshkitatarka.  
Ralimta. Jiwchiswaga yegi  
chinikowaka ya. Gewreyone  
tokanu wane chinka Kolkota.



Wane koroshishkita rutakyaluna,  
ga wa Waleyma pimrine  
gepi. Satkaka pasretkaka.  
Geso ganikaji gwa.



Tkachi giwnamtatka. Mkachrichrata gimaletachri  
kpashiwaka potu gajeru gitlalakamtatka  
ganikajpotunanuko. Giyagni Geso tsru  
saple potu rixa. Wane china,  
"Nuru, pumyo nutaklu  
nuwekinri." Wane  
rixatka, rupnanatka.



Gosi Garimate gajeru,  
jemanshinikankakjetikowaka  
gajeru kagwakpiratkaluru.

Wale koxa kagwaklu  
pogirewatyawaka  
Goyakalu. Wane ya.  
Mpiikatu  
jiglokyegitlu  
Pilato.


Ragjitlu  
Gesnimane.  
Wale gagjitlu  
mkachrichrata.  
Jijrukatkalu.  
Poyitakalu  
mkachrichrata. Rutaklu  
yomlechi wa sotlu  
jitotikalurupna.  
Rakaprurjixlu sotlu wa  
giyomle gipgyaptote.



Waleprikogone, walenwa  
gapnanutikalurgogne,  
Pilato yegi rapatyana  
tsrukakalune  
sasertotene ga wa  
Gwariseyone.



Wane chinna, "Gitsrukaachi,  
wushiniklu wa wale  
kyokwirewaklerni wane  
china, 'Mapagogne  
giknoginpatka  
nyotunotanu.' Wane  
yatkana."



"Rugnantakluna yomlechi. Rupitluna  
sotlu, girukowatachineymananuko."



Ruknoginitka gapnanutikalurgogne,  
rumrerekamtinitka  
muchinangogne wa simana,  
wane yana Mariya Maktala  
gajero ga wa sato  
Mariya, yomlechi  
retapyapna.

Waneklu waneru  
tsru giyolikchijru.  
Gi rixanu  
Gitsrukaachitowrer  
u gijruka  
tengogneya.



Rapoka. Rakaprurutlu sotlu  
yomlechi gajeru. Wale  
gogo tuplanataska.  
Wale piklena chinanu  
wa girukowatachine  
giypiypitana.  
Gipnachine  
pixka rixanna.




Goyakalutowreru gigita. Wane chinna  
suxone, "Gi mpikanu gixa. Gi  
rixanu numatgi Geso gijga,  
wa koroshishkita  
gitakanatkaluru.  
Gi wa gewitkalu.  
Yotunomtarka wa  
Wale chinyawaka.  
Ginanu.



Getapanru  
rutakanatikowaka."




Giyagni wanna yomlechi  
teyakawamtyatkana. Pikachine ga wa  
gimuwatachine potu. Rasukamtna  
yimaklene runkakapyapna.  
Makakta Gesokni wa  
yoptotapna. Wane  
chinna, "Kiglenshinikanupgi."  
Rapyegitluna. Kashjixitluna.



Yoptsojityegitluna.





---

Ralipretka rupgujewnayegitna Geso pamole satupjene  
wa tuplanatina nikawakakwaya. Chigetjetanna wa ma  
malixleya shikowgajitinriyna, gi rixanu gi ralixkana  
retjene yotunomtinritka. Wa Gitsrukaachi gali  
yanumsayegletinitkana, tengogne yoptotikatka.  
Tuplatatka Goyakalu potuklesretate.



Wane rixa galuklepotutna Goyakalu tye  
psolchijne gajeneko, giyagni renekna  
satupjerutu Gituru, wa pejnuruneko  
ralixjene ma mamginitipa, wa  
waneyapna ruwekinrina gike  
rixiniko mnikawnakatupa.



Romanone 3:23 Gi rixanu pejnuruneko mukochirewata. Gi rapkapluna wa royaknu Goyakalu.

Romanone 6:23 Ga wa mukochri wenutikolni wa gipnalpotu, seyni Goyakalu genekashle yoptotachri walenwa giweklu gike rixiniko mnikawnakatupa Kristoya Geso Wutsrukate wixanu.

Gewreyone 9:27 Wane rixa gitakikotna yine pakatapje rupninripna, wanepnute rutakyagokikolupna.

Gigwisone 2:8,9 Gi rixanu gimutlewluya gognetkaaka galixlewlulu chinanu. Tyenwa gi wa gixa ruyakatya. Goyakalu genekashleni wale. Gi wa kamrurchiyini gi satuna ma malixkotinitipnawa.



Romanone 10:9,10 Wa punamaya pupgujtatinri  
Gitsrukaachi Geso, wa pajiya palixinri Goyakalu  
yotunkaklu gipnachinetskalaya, pognetkaako.  
Gi rixanu yineru rajiya ralixya waneyaplu poyagkaklewlu.  
Ga wa ginamaya rupgujtalewata rognetskakikolupa.

Gwa 3:16,17 "Wane rixa galuklepotutna Goyakalu tye  
psolchijne gajeneko, giyagni renekna satupjerutu Gituru,  
wa pejnuruneko ralixjene ma manginitipa, wa waneyapna  
ruwekinrina gike rixiniko mnikawnakatupa. Gi rixanu  
Goyakalu gi yokanatlu Gituru tyechijne  
ruklukanuwnayegjixyapna tye psolchijne gajeneko,  
seyeni wa tye psolchijne gajeneko  
gognetskakikolupa Wale chinanu."



1 Gwa 5:11-13 Ga wa tyenwa gipgujtalewlu: wa Goyakalu genekyawu wuwekinri gike rixiniko mnikawnakatu, ga wa Giturni wa kgiweekaklewakleru. Goyakalu Wgene waneyalutu waneylu ruwekinri. Ga wa Goyakalu Wgene waneyamigjetu maleshaylu ruwekinri. Tyepirankaka nyonyegitgi wa gixa Goyakalu Wgene giwaka galixachine, wa gimatyaplu waneygi giwekinri gike rixiniko mnikawnakatu.



Matiyo 26-28; Lokasu 22-24; Gwa 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Yine NT (pib) © 2008, Wycliffe Bible Translators, Inc.  
All rights reserved.

<https://live.bible.is/bible/PIBWBT/MAT/1>

©2025 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

